

摘藻堂四庫全書薈要

集部

欽定四庫全書薈要卷一萬五千三百四十五

集部

景迂生集卷八

宋 晁以道 撰

近體詩

喜雨一首呈司錄諸公及諸先輩

二年七日古人嘆一雨三時此際心  
辛苦榮宗誅大厲  
歡欣畢宿散羣陰無煩鐘鼓禽魚樂  
便覺來牟波浪深  
敢恨泥功山下路且增秀色遍瑤岑

和蒲君刑曹佳什

獨步當年賢士闕青衫初試

闕

好憐歸去龍鍾者

五世題名在道山

志士何曾恥抱闕忠臣本自不言閒策勲他日陣間陣  
莫忘今朝山上山

刑曹再賦二絕句彌佳不得不報

不肯將身入八閩判司雖屈勝如閑漢庭富貴人何限  
畢竟文章屬小山

上帝白雲居九闕列仙亭館號蕭閑念君未作驂鸞侶

愁殺江南庾子山

南充大兄嘗夢見予作詩見寄次韵和呈

仙山能夢我書帙正思君一德誰榮滯羣兒謾戚欣過  
秦何必論喻蜀却須文未落豐碑筆唯貪辨惑勤

子文  
兄俾

說之撰康節碑近  
蒙寄易學辨惑來

復用前韵即事奉寄

南充有狂女何以號仙君不食諠愚嗜忘言聳世欣我  
常饑亦健公更默能文鶴駕如相召應須即日勤

絕句謝小邵寄柑脯

曲直驅文詩隱秀山頭仙馭勢爭飛須一作便知柑脯勝

麟脯更使荷衣笑錦衣

感事

功名富貴總愁予南北東西盡畏途悔不讀書徒語爾  
老來悔讀少年書

書何貢士居

吟興隨花發高簾對雨疎人家南郭外雲出北窻虛笋

蕨何時歇詩書幾世居  
我來懷舊隱便擬返柴車

乞宮觀報罷作

明時不可干多慮自多艱  
頗謝散班格徒憐本色官  
高明

門寄倚伏下客強悲懼  
鄭駟應相念秦川歲律殫

顧况詩云

遷客本來無倚伏予謂不然故今云爾

宮觀請不遂揀兵戎朝

擬駕柴車返故園  
却料甲士倚和門  
桐孫竹祖俱相咲  
欲把秦音長子孫

感事

短髮猶思沐修途頗夢歸不慙為吏拙但恨讀書非隴  
上健兒戍漁陽突騎圍誰能圖戰陣枉是著朝衣

訪郭圓機機宜不遇

圓機名  
執中

久雨宜新霽秋光更可憐尚嫌鴻雁近肯使鹿麋前興  
矚唯高隱名談盡昔賢那知忙事在曳杖行荒田

秋思埋鬱忽蒙圓機示除崇賦欣然開豁為惠

大矣率草謝之

秋霜先著白髯翁始信讀書未有功幽恨不隨流水去  
壯懷每共暮雲空敢嗟落葉留無術但惜危巢死孰從  
賴有高才能作賦筆端除祟是英雄

謝圓機除祟賦

祟鬼當年曾慙解

柳子厚作  
解祟賦

賦成今日永嘉祥無煩鑄

鼎圖羣象可笑時難逐畢方蕩滌辭源能澎灑誅鋤筆  
陣更光鋌此身強健餘何事枉是靈均嘆國殤

荔枝送郭圓機戲作二絕



禍根妃子嘗珍嗜今日何須有荔枝玉樹後庭那結實  
也能亡國更堪悲

荔枝一騎紅塵後便有漁陽萬騎來郭令諸孫今得味  
却同羯鼓逞詩才

趙妹自咸陽寄華州石縫山芋來作絕句二首

華州石縫無端芋同谷齋中有恨翁卯酒調來家法在

暫時不哭此途窮

文元公有語云卯  
飲酒調山薯蕷

秦中驩喜迎吾祖知道官家不用兵今日曾孫何所負

華山芋蕓自多情

文莊公康定中使闕中會諸將議邊事爾後遂納昊賊降表

昨日小詩同致上讀張元善中散文詩愛其讀

書輕富貴之句作絕句一首

本次五卷謝酒之什

風流自古稱張緒詩句孰如孟景陽今日讀書輕富貴

當家好處得兼將

張文昭德麟曲也說之拜于兒童時計經畧待制必亦識之

依韻謝圓機送梅絕句

丹萼瑤英閩苑開人間何處有瓊臺妬嫌弄玉秦王女

諱說南山說楚梅

梅最先見于南山之詩

揚州梅發莫依依曾得何郎一首詩謾有渡江來小庾

始從今日得佳辭

庾闡府不見  
有南山梅詩

再和圓機梅絕句

一年春色已平開始見芳香傍硯臺慙愧梁園飛雪裏  
幾番玉斝醉新梅

思王三匝恨無依枉費西園清夜詩不得梅花發幽興

甘輸北

闕

有英辭

設客酒十二行得  
此四詩老純乃爾

申前意和圓機絕句梅花

庾信終南眼忽開橫岑萬仞接天臺縱橫筆陣知強弱  
留與遊仙客詠梅

梅如玉磬百花依傷似文章先說詩詩到玉妃摘墮後

只君能抗我新辭

平昔謂東坡風亭下梅花  
三篇之後更不須有作矣

枕上和圓機絕句梅花十有四首

據渭浮溼雪浪開一君五后醉高臺侍臣不鮮供吟筆  
落盡南山萬樹梅

梨園弟子強因依羯鼓聲中學御詩十月胡雛來喚仗

新梅誰復贈新詞

豈是梅花最早開  
六靈先已發陽臺  
涇南渭北花如錦  
太白山頭只有梅

孤芳寒豔絕難依  
鄴下關中不賦詩  
未必江南有才子  
也應先是七三辭

莫道梅花取次開  
馨香須待百層臺

今洛中名園猶競  
于梅臺貴自上接

其香不同碧玉小家女  
寶策皇妃元姓梅

負雪披霜不得依  
梅寒恨不出幽詩  
身梁根冶荒江介

情調猶輸第一辭

霜女月娥愁不開  
萼君西母宴瑤臺  
總將芳意傳英彩  
下降人間得有梅

織女機寒自失依  
雲霞扎扎似吟詩  
女兒謝席雪無句

父子庾家梅有辭

令兒孫輩  
同和公詩

天馬錦輕誰得開  
月兒羅薄掛香臺  
屈平宋玉渾無語  
後輩何人敢詠梅

東皇太乙下無依  
桂酒椒漿細奠詩  
却問人間梅幾種

郭仙爾有古人辭

漢騎蜀兵下辯開  
今朝惟有鳳皇臺  
瑤凰瓊鳳方為瑞  
此地宜多白玉梅

東郭先生誰與依  
雪中意氣后夔詩  
香添皎潔成梅詠  
好視江邊黃絹辭

未須白眼便嫌開  
早晚高低雪作臺  
春盡子山每感嘆  
義山未臘已驚梅

雲母屏風只暫依  
金鄉公主嫁遲詩  
寧論鮑照梅花恨

不及從來不惜辭

今日天慶節兩處朝拜又孝惠忌行香疲且手寒草草增愧也然不犯從

前梅事如前村之類亦可一笑也

### 圓機再以梅絕句為謝復作二絕

恨冷花難也自開何須獻納在雲臺幾多得意人潛恨

江令傷心幽澗梅

江總詠幽澗梅云石上舊根冷雪裏作花難自問還自落何處有人看

此日梅花剩足依明年歸只詠公詩不堪霸水悠悠別

韓公詩云梅花霸水別

待寄越膏重覓辭

吟到越梅膏則可獲麟笑一笑一笑

亡友陳無已有立春詩云朱門誰送青絲菜下



里難酬白雪歌頗為都下詩人所稱今日立  
春誦之而作

地下修文幾歲郎尚憐有子已爭行青絲盤到特揮淚  
紅錦詩餘合斷腸安得見子今議論果誰識子古文章  
從茲花發知多少試訪彭門舊講堂

招圓機喫槐葉冷淘

庭前枯樹庾郎老馬首垂花太祝愁槐葉冷淘來急喫  
君家醪甕却須休

招圓機喫槐葉冷淘有狐泉之句輒復為謝

野狐泉畔昔人集朱亥墓南今日豪慙愧曾槐誰細摘  
顰拋湯餅屬吾曹

今京師人走朱仙鎮  
喫冷淘全是唐事也

和圓機題草蟲

怒劍無煩起逐蠅從教小物此馮陵禮加蛙臂何時用  
書到蠶頭幾日能半是苔邊徒有感全收等處肯生憎  
如椽大筆么麼落憤懣今人終拂膺

再和

須臾變物止樊蠅宛轉迷人下馬陵何處周公勤小物  
幾時孔子又多能堇荼自採還堪喜菅蒯誰從便可憎  
一到馬堂榮采目絕勝長道困鈎膺

謝圓機靈山芍藥

靈山芍藥誰銷得我是靈山授記人貪蝶憚蜂莫來到  
更須作供老夫身

圓機遊秦州有詩相寄輒次韻作

風雨關心一夢難欲于何地見征鸞街頭應念貶三等

隴坻須憐持兩端休聽鼓鞀叅將幕已驚鉛槧誤儒冠  
瑤音有底能相寄不作龍鍾俗吏看

因借書作呈圓機

似隱還如吏山亭何所宜遙心回雁陣倦意結蕉旗使  
檄征錢急鄉書問卜遲近郊有高士慎莫道三癡

借常還

約圓機來喫社飯以雨不果

積雨晦滄溟歸期燕不靈何能陪社飯應為厭侯鯖

寄富季申

故人風雪知何處旅夢時時得舊遊  
溫麥周禾不我飽  
秦雲隴水使君愁劉琨數刻驩安在何遜一筵笑則休  
賦就思玄塵易絕詩成述祖泪難收曾窺漢藺和戎策  
尚憶津梁禮佛裘大軸丹青猶凜冽小官孫子太卑陋  
故園多謝凌霄木直到丹霄上上頭

圓機寵示覽先人元祐末廷試初考倡和詩編  
長句不勝感佩降嘆如紳字韵直似劉夢得  
何幸得之輒復作增來詩之美

紛紛既晚宜無恨尚憶當年獻策人  
小子何能初躍馬大臣不肯舊垂紳  
叔孫處處偏知毀景監人人總作囚  
格律攄情如夢得難禁孤淚濕新春

說之復兼二公而作圓機既同邪籍之契顯夫  
又與僕元豐五年登科事相類時曾子固坐  
失考罰銅三十觔後為先人語之甚詳

波臣好蕩箕風急浮世誰為自必人  
願我高飛推短翮念君濶步躡長紳  
一枝青桂憎兄好

族弟將之與  
圓機同年

三府丹

書重友因近接話言遙夢寐共將白髮傲芳春

說之既和圓機紳字長句復作寄孫顯夫是初  
考之最高等也

魚龍起伏初無度下品曾為第一人鴻藻自甘戎幕掾  
青雲誰委玉階紳命微夫子徒哀劇嚴夫子天遠靈均枉

問因觸事思君成苦調遙憐爛醉剝陽春

圓機再賦紳字韵詩深得淒切之格降嘆之餘

叙事為謝

輶車邂逅便相親同是山公啟事人短髮何堪臨石鏡  
長懷漫自落泉紳談窮漢士三千牘問盡胡僧十二因  
茅屋亂山誰復識當年曾醉上林春

七月一日作

去秋今復號新秋要使新愁入舊愁四海元龍霖雨望  
一生仲舉國家謀囚冠不脫凋蓬鬢旅殯何堪敗弱舟  
誰與此懷同涕泗南山朝靄暮烟浮

昨日聞陳  
瑩中卒

因楊刑曹往荆南代書寄二唐高士怒意



二唐今日操真媿二龔多不道荊州遠其如梁苑何  
魂收蒼壁夢泪斷綠珠歌願我非夫甚嵩山空薜蘿

和圓機佳作

官憎詩過好人亦忌才多君子自如此伊人其柰何  
單裘千日醉短髮百年歌謾納新愁淚終慙帶女蘿

圓機用墨淡甚輒以上色三丸為好

淡墨書名二十年從軍未許勒燕然只宜淡墨為君累  
故遣陳玄去草玄

至日早雪時郊祀畢

壬寅

客中至日有懷忘欣喜遙瞻上帝鄉雪覆紫壇天意得  
風生絳節頌聲長舊遊鷓鴣渾如夢寂對山河忽若狂  
罪籍半除猶望赦漁陽遺種被恩光

冬來無雪待佳辰至日飛霽喜更新風偃南郊雲獻瑞  
龍騰北陸日潛春璧門仗下千官佩瑤席歌前萬國珍  
負釁增臣符竹冷屬車日斷不飛塵

東城外作呈圓機

默默專城歲月馳忽來郊外得心期龍蛇起伏知何處  
天地圓方在此時更喜風光似江介可憐飽餉便凡疲  
即從此路東歸去他日何能得夢思

謝圓機梅子

雲隨枉渚月依嵐末宦低頭幾不堪顧我僞翁宜塞北  
因君梅子憶江南君乎學問二劉比南北該通酸自甘  
讀沈下賢集絕句二呈圓機

晚來李杜擅文章無柰情何憶沈郎未掩西施朝薤泪

可堪弄玉暮魂香

下賢託興于此二者意為  
好人不得存活于世上也

荷葉拳拳恨未舒  
伊人歸興問何如  
空看蠅鼻燈花喜  
不得平安一紙書

聞八弟朝議二十一弟朝奉二十弟迪功與安

郎倉部謝郎比部諸人集于葆真宮戲作絕

句

葆真宮是何年有  
游子相將便得真  
聞道流霞醒不醉  
只應人世恨還新

歲暮絕句四首

衛霍功名無素譽  
韓彭富貴晚堪悲  
梅花引角邊城到  
况復人間歲暮時

下惠一時行已志  
首陽萬古振人倫  
終南不得西山號  
歲暮白頭空斷魂

沉沉欲雪岫雲平  
月尾年頭此有情  
童稚歡欣學秦語  
不知家世本東京

遲遲來日去何疾  
六十五見此日除  
明發求修能有幾

太平田舍讀殘書

聞鄒德九

志完侍郎之子

自常來州圩得良田數十

頃遂可活輒作絕句

乃公不識賈公閻之子饑寒夜讀書前年避賊逐江鷺  
今歲埠田鞭海魚

謝圓機送梅

何事新梅度玉溪應憐泯默與詩題少年曾賦宋開府  
老大無如羯鼓迷

圓機寵以長句賀禱雪龍池輒次韵述謝

神州鐘鼓泱年豐燈焰紅綿照景龍况有玉葱榮廣內  
不勞金甲老邊封同雲出洞如人意孤宦臨歧斂病容  
何事儒先詩思苦欲拋萬卷作三農

再賀圓機喜雪之作

十遇荒饑一遇豐人間不見壁間龍既慳雨澤空倉厄  
仍廣車輿小子封俗吏教條徒自愧灑池雲物幸相容  
怪來不與秦湫詛應許多藏漢大農

秦名池曰湫皆按  
以詛楚文今此池

獨不  
與也

又再和

在郭  
公前

人人講德自元豐何處荀家有八龍白羽不施寧洗甲  
赤雲常見預乾封無煩禾黍如茨稼自足鷓鴣琢玉容  
稽首寶香通列畢傾心御糴走良農

香用御前之寶遂  
得名曰寶香闌中

糴額特多以御  
筆糴曰御糴

對雪再用豐字呈圓機

何人醉酒在新豐暮雪瓊飛驂玉龍雲借威稜如直指



風排傾倚似斜封空空不及侏儒飽烈烈徒多憔悴容  
久負梁園能賦客且遵漢詔善劭農

再用豐字韵對雪呈圓機

樂只康州得屢豐鼓簫欣喜有池龍魚遊米穴多爭出  
泥在函關廣費封鎮玉無時非北渚磨圭在處是南容  
胡然最愛田疇事即日歸休學老農

朱郎元章以予不得宮觀與諸姪有唱和見攬  
之欣喜五更枕上賦四首

天上何曾有謫仙  
一來下土便頑然  
偶遭愁鬼棲遲厄  
永結羈人寂寞緣  
不得閑身從靜志  
徒思樂食與安眠  
兒曹詩句來存問  
盡賀朱蒙為發編

璈音在昔是文仙  
近世仙才殊不然  
每見傳言多俗態  
定知所事亦塵緣  
况為末吏惟貪佞  
何處高人得醉眠  
此際朱郎真有道  
樂吾羣從綴殘編

狂醉何為號八仙  
三郎宮裏亦頽然  
呼山絳節方無數  
犯闕紅旗自有緣  
便醉攜家船上去  
已輸傍舍甕頭眠

箕南潁北逍遙客好笑仇池戀簡編

莫笑吹笙便得仙絕勝祭竈事茫然白頭吏役徒多犯  
黃帽閑居政寡緣仰愧高松能五鬣俯慙垂柳解三眠  
詩成自贈仍堪寄聞道衰蒲尚可編

過萬丈潭觀山呈圓機

棄捐蹤跡盡悠悠山水之恩亦太優成熟此生無再辱  
發揚何事敢他求乘閑今日聯高足就隱明年獨遠遊  
潭面可量才萬丈總于春恨作浮漚

社日偶集恨去歲社與圓機有約阻雨

歸閨于春得社遲酒應過熟老農嬉故巢候燕賓朋集  
驟雨前年唱和詩要使歌喉扶嫵媚肯教鼠目鬪狐疑  
雲南薊北休驚怕今日寬仁不戮師

才上人處見圓機五字輒用其韵作

振錫千峰下觀空萬象前水深猿臂直雪後虎蹄圓工  
部淚徒感贊公燈不眠當年郭有道今日更談禪

山行微雨對花覺秦少游山路雨添花之語為

佳因有感于斯人

今日山行花畔語故人佳句雨添花瘴來首禿成纍鬼  
夢裏懷鉛稱史家輕薄揚州真可笑賢良漢殿更堪嗟  
寧知用短難鳴者只得身存下澤車

書事時新興元使君卻大兄卻與圓機有舊因  
以奉呈

東來車騎豈君歸我欲懸車歸則時仙女丹砂能不老

大兄自南充來  
故及謝自然

腐儒青簡亦難衰

老弟  
自謂

寧垂洛水田園

計且及燕山餽餉期

大兄書中所及

最課直當中秘閣白頭相

望更遲遲

不但于河池縣相望云耳

又依韵一首

看去朱轡今已歸問余山郡幾多時盤條綾樣知能盛

果

綾帶葉甘香定不衰

果

甘惜別荔枝紅髮鬢恨看山嶺碧

參差自憐藉手有何物學把鋤頭不用嗤

圓機和邵大及予二詩可謂壓倒五更枕上誦

嘆不已復作謝之足見來章之美能發人情

思也

去歲巢乾燕子歸，生涯辛苦問何時。門前自覺酒徒散，

坐上何嘗筆力衰。郡印故人能若若，卻大自果移梁田廬晚友

亦差差。子請休致莫嫌相望函關外，且是不為陶令嗤。陶詩云永

為心友嗤

借問高吟何所歸，元和格律定同時。折除官職知多少，

兼領才名孰盛衰。奏疏不為黃閣計，結廬且共白雲期。

君家博士歸，依佛可笑夫君得計遲。郭恕先詩云為遲未却歸依佛不就

新恩叙理官建隆初詔五代  
時命官投狀叙理復命之

約圓機不至將出遊雞頭山作二絕句

君何忘我不交關為我勝君便不閑  
豹霧人須歸豹谷  
雞棲車且遊雞山

君知我亦有柴關我豈輸君獨自閑  
把筆何人鳳尾諾  
杖藜望我雞頭山

復作山字絕句呈圓機

羊頭山咲雞頭山我祭文章爾漫頑  
遊子白頭顏不少



任人譏侮亢高顏

聞圓機遊山歸作

把酒相忘笑語違  
新詩應已勒巖扉  
何人龍尾道前出

獨自鷄頭山裏歸

李衛公出龍尾道時精神如何也

聞圓機遊山政為梵供復用前韵作

蹙縮饑腸與世違  
磳折屐到雲扉  
丹砂不逐飛仙去  
白疊甘從佞佛歸

請休致從閑書

折軸迷邦漫問津行藏不斷只因循那知老作邊城守  
好去閑為負郭人細向舊圖逢景色偶因屈筆得精神  
舉軍追恨成何事可笑將軍走解巾

試邁姪所寄冷金牋

不煩鐘鼓強聊蕭自有詩書共鬱陶暖玉何年來比德  
冷金即日得抽毫

夜聽雨

歧下無煩和協使秦雲送我入梁園殘燈半夜夢回雨

心事誰來慟哭論

致仕歸東里

板令懸車欠四年散闕如砥去欣然鄭州門首人爭入

誰伴山翁老洧淵

京師鄭門本  
號鄭州門

致仕後寄白蓮然公

僧衣換却朝衣盡知悔知非恐不任磬韻應憐持課罷  
香銷當識坐禪深芭蕉庭下三身正蟋蟀牀頭百慮侵  
憶我白蓮庵裏士幾年消息亦沉沉

然公發人自天台來不以烏藥見寄

石橋不得往烏藥不寄來空令圖畫裏指點說天台

致仕後聞夜雨

厚矣皇恩得謝休蕭然白髮更何求雨聲中夜生高興  
不似官人身外愁

即事二首

晚靄沉山月隱林終朝好學伸長瘖忍將老易供書畫  
更與何人得斷金

藥苗晚種已青青應念疋羸與養形肯為嵇生徒著論  
便同玄晏剩翻經

哀韓君表無文編

少師名德振鷓鴣孫子何為短羽翰不使功名藏竹簡  
宜留文字後人看六丁取去嗟韓第七子亡來恨建安  
賴有上公曾塔葬多情無用涕沆瀾

山中酒熟

山醞今朝熟黃花老不香沉陰千萬里何處有重陽

雨中

雨中新種竹波上舊來鷗  
客子何時樂幽人未肯愁

悲秋

白楊夾道起秋聲  
要使征人恨不平  
自笑一生成底事  
元常筆秃却談兵

寄溫倅江十四

離別蹉跎歲月深  
故人帶未九環金  
狂兒易悅笙歌費  
志士徒勞涕泪侵  
金紫早年唯樂夢  
令公老去亦傷心

永嘉康樂風流在別乘猶勝翦綠林

憶天台東掖然老

然公嗟契潤海岳阻招攜白法歸龍樹清談落虎溪著  
書非草具傳業謾私題歲暮茆楹客臨文處處迷

風琴

不植風琴二十年僧來為我置齋前欲教羈思殘春夢  
吟落浮雲共灑然

次朱少章韵

喜就三冬學仍開橘蒜壘星霜吳地客風雨鄭人鷄逸  
興逢蓬雷高懷絕石梯五言何富麗種玉不論畦

二十二弟獲金印

季也獲金印籀文秦不如情知非鬼篆恨不識天書池  
靜龜游罷庭閑鵲鬪餘春風還舊物疎俊獨憐渠

和朱少章見寄

兼該夫子恥專門却笑何人哮吼村悶已賦疑唯獨語

韓公悶已賦有本作悶已常恨無以正之

惱卿詩似得同論

晏元憲謂惱卿詩似義山或云



吳融近與少章論頗合

夜來雨足寬貧病秋到涼生破睡昏幾欲

拋書閑過日只慙無可謝媽蓀

洛陽女子劉董蘭字媽蓀勸房豹云君齒方壯

且又足給幸疴恙無有乃終日碌碌自隨  
房于是折節讀書與沈亞之南卓輩游

### 贈弟送山醞

山醞今朝熟溪氛起正炎醉予難酪酏泣汝淚闌干

### 宋太夫人挽辭

漢室賢良逝菜妻節操長生涯兩卅角心事一縑緗膝  
下黃金帶齋中紫玉章人間足悲樂壠柏起清商

白髮餘欣喜清時忽嘆嗟  
棧危思杜宇淮漲夢伽鷲  
鷺能儀國驂駟善保家  
傳聞專却粒歸去五雲車

悼亂

解組邊亭畿甸來且將白髮共徘徊  
去年亭下花何在  
日夜邊塵不得開

題縣南莊壁

城下之師莫問天只將性命託忠賢  
劾官三黜未為恨  
閉戶七奔方可憐  
虎變不宜懷猶豫  
龍韜豈憚費迢迢

前村父老來相問本望今年是好年

上元前再題南莊壁

蒼皇徒步子孫隨倒邑空城失所之十日不通京國信  
一燈誰憶上元時大河難阻金人過遠道休論鐵馬期  
弭難九州宜祭鼎慶雲翔鶴誤聲詩

古今之禍此云竒倏忽雲屯城下師春日不堪斜景速  
冰山真嘆此時危萬方瑞物問何在五世誓書知謾為  
禍難羣凶誰首尾京如狼虎黼狐狸

我昔題南莊壁

我昔禁門宜樂只田園遠近亦康哉  
花搖笠頂唱歌去  
草塞瓶頭沽酒來  
白叟披衣論甲子  
青禽哺乳占莓苔  
豈期一日邊塵起  
南北東西俱可哀

花石題南莊壁

花石倡優樂未央  
四維忽絕失皇綱  
龍躔便欲移中國  
鶴駕知誰從上皇  
雲外安妃情已斷  
塵中山伯恨空長  
豈無撥亂濟時策  
久棄蒿萊不得將

我生

我生初世本堯年大厲羣哇不謂然方喜神光射天下  
忽驚烽火到甘泉寺人袞服叅巖廟宮女素衣遊市廛  
一道德來千道會試開言路問羣賢

春晚

春晚何為尚絮袍強尋樂事慰無寥鍛聲不讓雨聲急  
花影爭隨幡影高莫問餽糧難卒歲且無甲馬在今朝  
書成泥首懶昇櫬定是蒼生不我遭

聞景龍不試燈

華燈不試管絃新八字歌聲滿市塵今日景龍門寂寞  
唯將明德照新春

送蒲君赴陝西漕屬

穀函為客樂巴蜀故鄉榮風雪擔書夢旌旗從使行黥  
兵烽燧息積粟隴坻平同谷曾談話知君筆陣橫

外甥三郎刪定和予冠字韵詩極可喜再用其  
韵作二首韋蘇州有外甥趙伉獻詩合雅音

趙甥詩與雅音合韋舅宜高進德冠我則古人良已遠

汝家宗姓莫教難傳家自喜春秋在

懿簡公春秋二書特高

居職

應憐翰墨殘門戶人身難相稱衣裳儀觀不須嘆

古有語云

好門戶惡人身又別有

語云衣裳好儀觀惡

趙妹生兒身七尺倚天劍稱切雲冠長人自惜聲名達  
志士寧令扞格難墨翟商瞿心總厚司空城旦術何殘  
還將格律成吟詠作者應須為爾歎

寄城中親舊

蒼皇逐客投蘭若，傍晚衾寒喜且驚。  
隱隱似聞開靜版，沉沉欲歇讀經聲。  
好將遲暮此間過，強欲論思何處行。  
城裏有誰能念我，勞渠努力致昇平。

淮口作

王畿邊騎滿何地，可逃生盡室半塗步。  
有舟無水行長淮，能見阻久雨自難晴。  
雜立官稱在低頭，媿國榮

洪澤守閘和二十二弟韻

小舟洪澤歎嗟餘，欲說人間孰得如。  
蝙蝠倒懸徒頽頽



獼猴徐步謾超超  
歲窮雲際行求鴈  
日暮溪頭坐羨魚  
何處長風萬里浪  
龍盤鼇抃蜃樓居

和二十二弟龜山寺

江邊龜步亦平平  
淮上龜山聳五兵  
何但八公山草木  
解令王國列金城

龜山之操恨時危  
語樂徒勞魯太師  
今日龜山無可恨  
祥符年上御題詩

海岸石龜恨未平  
時時入海自馮陵  
此山磐礴清淮上

寶塔分功更就曾

過雁和二十二弟韵

我避邊塵淮海遠悠然問雁爾何來中原消息須聞取  
南岳峰頭莫謾回

莊周口舌過平生擇雁何為貴不鳴默默高飛寧有樂  
人間生死本來輕

窮途

窮途無達士今日信途窮處處兵如市行行馬似龍魂

迷公主館夢斷翠微宮欲向江東去風波更幾重

消息

兩月中原消息斷不應京國亦無聞廟堂如未棄黎庶  
日日詔書清垢氛

初到高郵

避難蒼黃處處過扁舟不復怯風波禹功淮海施偏少  
漢業東南得最多幾日兵強令厄解今年米賤奈予何  
孫公鄉里仍堪住愁訪山齋空薜蘿

孫公莘老  
高郵人

揚州三絕句

客散平山堂上後孰如子駿在揚州  
解傳鮑照舊辭賦

輸盡蕪城千古愁

鮮于子駿守此州刊鮑叅軍集

風常歡喜月常愁  
愁有盈虧喜自由  
客到揚州已迷路  
不須特地上迷樓

便風五兩更悠悠  
回望鄉閭烟霧浮  
若問無情唯潁水  
不來隨我到揚州

病中謝張簿陽字韵詩

藥有一君元長厚病教五鬼逞狂陽公詩可但能除瘡  
萬疴都如律令忙

新合柏子香因誦皮日休坐久重焚柏子香輒  
以其香贈張簿

柏子香清誰喜聞五言句法更清芬病仍春困坐難久  
遣向吟窻起暮雲

依韵和張姑夫主簿

即今時節總堪悲寒食仍多雨意垂幾處隴頭飄斷紙

誰家碑額仆盤螭  
江湖魚糝聊為客兒女  
開  
團難療饑  
即見烟塵都掃盡  
張公詩思更溫其

次韵張姑丈感舊

用舊為邦不務新  
舜琴何事有埃塵  
焚香祕殿期王母  
躍馬荒郊訪異人  
爾保丘園為爾土  
吾憐賊盜本吾民  
四愁不及一枝賦  
誰許張衡社稷臣

聞道江頭柳色新  
可憐不識洛陽塵  
景龍門外千鍾酒  
葆籙宮前萬國人  
此日淒涼徒費淚  
即時興復愧遺民

浮家逃死知何處羣寇頻招未肯臣

奉紙百番於姑夫主簿并以謝四詩之寵

怯見詩千首慳持紙百番紙多詩剗到費殺啞兒言

和出郭

萬斛無多寧貯愁不如留著寸心憂怕聞天假漁陽騎  
莫話春迷場帝樓出去暫能欣綠野歸來還是夢滄洲  
何人解賞鷓鴣賦豈但功夫在句頭

蒙用諸人韵賦詩見貽復用韵謝之

昔人何事愛吾廬  
燕雀鸞凰不並居  
鄉社鳴琴欣日永  
宦遊退鷓恨風初  
迷樓賦罷夢何處  
雙扇詩成泪不踈  
莫問今朝多白髮  
年時曾奏萬言書

一年幾相作新沙  
鞞鼓難開上苑花  
願我何堪鳴玉佩  
如君不得侍金華  
隱身思傍懸壺樹  
仙馭須求蒙頂茶  
辜負麒麟功業志  
只教人喚作詩家

寓高郵禪房寺

冰霜歲暮時澤國  
更何為菰米經寒  
澁蘆門避亂宜小



人誇馘騎志士憶京師欲語殘僧笑君歸未可期

送二十二弟入浙

世亂還家未有期汝于何處望京師  
韋郎舊恨今新恨細學南音寄我詩

災怪

幾歲廟堂生物怪一朝邊寇幸天裁  
頗聞北斗光芒見久不見斗未見  
東京消息來志士此時憂國淚將軍他  
近已出矣

日望鄉臺

金人執吾大將及降偏裨

世間如有嚴夫子時命應須更

可哀

春書

春色今朝見  
羈人有好懷  
暄風催酒熟  
細雨送花開  
魂夢迷梁苑  
文章愧楚才  
重湖烟艇去  
月下採珠迴

送鍾離秀才往越州

字中遠

客遊會稽去  
惜哉無鏡湖  
雲迷神禹廟  
鴉護季真居  
五字君詩費  
千秋我恨除  
寄來休草草  
涕淚憶皇都

依韵和鍾離秀才留別之作

不脫征裘已到春縱風橫雨又經旬期君獨步入京國  
與我相逢在水濱憤世何言詩濺淚愁心自醉酒生塵  
胡然乘興稽山去為問流觴曲水人

一舍

一舍終朝得自容強如平昔慰途窮爐心搜火分香燼  
硯首融冰護筆鋒愁極偶逢醽醁酒夢回猶待景陽鐘  
廟堂未肯驅邊騎四海九州思會同

寄中遠越州旅舍兼簡宋倅

自言無悶于茲久何事今朝嘆息頻同病願逢閑話客  
異鄉難得借書人獨尋剡縣溪山去厭見揚州花木新  
茶寄臥龍何日到貳車東來世相親

白鴈陂

白鴈陂前淮海思今朝淮海鴈相隨固知憐我飄零甚  
忘却青嵩碧潁時

孤鴈

風驅雲卷一身微慕侶高高急急飛未許高人能遠遁

梁王池館故同歸

即事

拋盡圖書避寇塵  
楞伽讀罷與誰親  
波濤遠嶼羈遊夢  
風雨幽齋默坐身  
觥底不堪留酒客  
句頭何敢惱詩人  
和詩送酒俱休問  
只恐

一作共惜歸期誤此春

景迂生集卷八

謹案卷七第五頁前四行却擬掃除西域去原本  
擬訛宜今改

第八頁後一行孤兒內外并原本并訛兼今改

第九頁後二行莫問西臨統萬城原本城訛成據  
晉書載記改

第二十三頁前五行九易三元俱不談原本易訛  
市今改

第二十三頁後四行隨牒求官秋緒多原本牒訛

蝶今改

第三十一頁後七行韓彭豈是無三窟原本彭訛  
朋據史記改

第三十三頁前四行感事暫來添白髮原本事訛  
時今改

卷八第三頁後七行忽蒙圓機示除崇賦原本脫  
除字據下首詩題增

第四頁前五行柳子厚作解崇賦原本厚訛惠據

柳宗元集改

第四頁前八行荔枝送郭圓機戲作二絕原本圓  
訛元據上下詩題改


第五頁後六行思王三匝恨無依原本三訛二今  
改按繞樹三匝無枝可依出魏武帝短歌行此  
思王二字似誤

第十七頁後三行仰愧高松能五鬣原本松訛僧  
今改



第十九頁後四行予請休致原本訛子請依致今  
改

第二十九頁後八行孫公莘老高郵人原本莘訛  
華據宋史孫覺傳改



總校官庶吉士臣侍朝

校對官中書臣王鍾泰

謄錄監生臣熊濂

欽定四庫全書薈要

集部

景逸生集卷九

詳校官助教臣謝登雋



欽定四庫全書薈要卷一萬五千三百四十六

集部

景适生集卷九

宋 晁以道 撰

近體詩

自賦親字韵

久息人間車馬塵香殘紅掩日相親嘗看海散千波月  
亦覩蓮開百葉身清世豈期逃俗客白頭不是插花人  
明朝若便西歸去嶽寺花遲留得春

因嶽寺二字  
良多感嘆

伏蒙二十二叔俯和親字韵詩不勝欽歎輒復

用韵上呈

樂難得似新篇樂親莫親如同祖親熟見典刑平世事  
恭聞詩禮少年身五言自發曹劉興七澤誰知魯衛人  
李白酒樓今在否不堪回首小園春

子強賦詩還張簿與予唱和詩卷復用韵謝之  
同時先後避風塵異縣相看意更親不武可知難陷陣  
片文安得易容身楊花去喜添新恨燕子來驚問故人  
何處有詩能自勝一作勞君揖客賞陽春喜却添新恨之句以俟後

之採詩  
者如何

高郵忽見叔易高山下所寄絕句次韵和之舊  
所作不次韵也

我憶故人頭更白故人夢我眼猶青重湖疊浪君知否  
政似當年翻水經

痛心

為問誰今有好懷園林春色不須來王孫草向荒城短  
驛使梅因戰陣回但道邊塵迷上苑不聞漢詔出中臺

痛心一日復一日何日皇威遍九垓

感時

千里逋亡蒲柳身淚痕長短送殘春望惟書問平安到  
樂在兒童讀誦頻桑海恩深變未得龍蛇躁甚起何因  
即看廊廟申威令為問勤王有幾人

秋懷

草木衰殘意闋河離別情秋風已如此况復更論兵

秋書

秋為棗多暑天因未未霜吁嗟湖湘盜宜亦畏皇綱  
有客喜予為江東之役者輒效齊梁體

翡翠鉤寒陪曉月珊瑚枕淨揖高丘人間聚散何須問  
夢斷西陵更送秋

避地

久欲為僧避世喧况當寰海正飛翻五臺自有天台院  
處處流通玄妙門

雨中即事



寥寥茲夏晚秋韵已蕭然風雨疎籬外詩書曲几前道  
心勤自厲愁緒每相牽秦樹連烽火吳鞵落海孺不能  
先到縣豈待晚歸田丹劑誰能慎金爐試得烟去天真  
一百奏牘舊三千屬藁紛盈架誰令宿瘤研

感事

長鯨江海尚翻波欲濟無航可柰何物象蕭條秋序薄  
人生感慨腐儒多翠輿不見邊塵起旅雁能隨漢月過  
七日之誅今幾日猶煩樂職在中和

依韵和袁秀才見贈之作

楊仲

志士相逢屬暮年，淚如有盡恨無邊。  
空城鬼火隨邊騎，滿驛萼絲倚楚天。  
愁外誰知餐玉術，醉來自詠釣竿篇。  
夫君心事有如此，何日騎鯨出九淵。

再和

不知今歲是何年，鐵馬成羣遶日邊。  
雖有廟堂能格帝，更求巖穴與談天。  
廢興誰識詩千首，消長難忘易二篇。  
臥雪諸孫心事苦，重湖頗愧汨羅淵。

旅懷

春來歸計尚茫然往事知非莫一作不問天九牧勤王誰

誤國千門受箭悔開邊立朝不得當言路在野無從自  
行田誰念龍鍾湖海畔苦遭風雨日留連

因客談湖中大珠作

既無武備擒戎略又乏文章聘國才  
斃社湖中有明月  
可憐不肯入君懷

高郵書事

飄然去國到他鄉晝晷難移夜漏長自恨旅懷多偏仄  
誰教春夢遠顛狂舒虹蕩月明珠過積雪迷雲小稻香  
雙絕茲焉甘作客只愁不得去勤王

三月五日南京稍工來報船經金人撤兵之後  
尚有書籍存者且以二詩為信忽覩高仲夷  
唱和詩不勝感歎輒用其韵識其事率同賦

桃花源上避秦人豈料漁舟見此

一作客

身宮殿層霄空

玉帛簡編破牘委泥塵誰施骨肉死生惠只有皇天后

土仁可保斯文猶未墜廟堂宜亦用儒臣

和高二偶作長句

在館中時

流落歸來少故人  
婆娑白髮強容身  
雷霆能斷王敦首  
宇宙猶多庾亮塵  
以國與盟非一作誰所志在邊不戰豈

其仁兼資文武唯高子誰識中原有虎臣

次韵飲酒

舒慘來遊地悲歡付與君  
深慙偏愛酒有客總能文  
退之

云為此坐上客及予總能文

春晚欣搜粟秋來謾護軍  
何如東里老

愁腹醉醺醺

東里徵君楊朴詩云  
愁郎當地醉醺醺

### 淮海二絕

卜錢簇簇怯單單  
小婦揚州橋上看  
拜鬼求神春更恨  
不堪風雨作花寒

莫問揚州桃葉生  
渡江今日得風晴  
長沙子弟更相笑  
上到隋堤便住營

### 飲酒

與君厭苦洛陽塵  
望斷今朝那得親  
為問紅旗白馬客

何如左蔗右螯人醉來無意誅讒鬼醒後傾身事麴神  
辜負景鐘勲業志杜康廟裏作功臣

見東  
臯子

### 有喜

世事獨知誰謂然衣冠直待見戎鋌是非在彼從三刑  
忠孝于身必兩全問髀綵衣還仆地感時諫疏欲干天  
羌戎猖獗須臾爾仁澤昭陵憶萬年

### 尚憂

建康庾令豈多愁未識皇恩覆九州初訝單于陵大漢

重驚禾黍嘆宗周今朝不見安邊策前日空多定遠侯

謂宣撫  
司諸公

江海張公漂泊久即看讜議動前旒

謝乾明滋老送炒團

蓼花散畔輕盈意炒米團邊笑語親多謝稻畦磨衲老  
十方撮聚戲閑人

寄焦山成老高郵滋老

他鄉臥病白頭翁孤憤猶存涕泪中竹葉有陰唯待月  
蓮花自殞不須風明朝白帝行商令何日黃麾入漢宮



一死等閑無足惜道人第一莫談空

私願

邊塵未動朔雲浮行在多懼見小侯願保三冬資我樂  
更無一事使人愁

新志

前日徒嗟與世違從今絕世心事微彌陀印裏一身重  
梵網經中萬古非元亮胡然茲漫浪遺民有侶便因依  
欣來不負遂初賦寄愧於顏得所歸

病中思建茶不可得因作呈胡季和

新政勤勞儉素中建溪千焙一毫供人知廉恥苞苴減  
運屬危原闕壑空慣以槍旗論勝負果勞甲冑歷危凶  
不登王會篇中物便好從今永絕蹤

謝季和朝議牡丹

侍無童子懶焚香君送花來恨便忘盡日清芬與風競  
熏爐謾使令君狂

靜

蕭然一室靜樂只復何如子晉吹笙罷孫登長嘯餘兒  
童奔入學賓客遠回車更願干戈息殘年老敝廬

因觀姚劉侍讀姚祕丞孫處士平山堂詩寄歐  
陽公唱和作絕句

醉公認得揚州路堂上平山列酒樽後日公榮來酌酊  
賦詩可但屬姚孫

予以四韵寄陸大夫三高圖自謂能省句矣後  
作絕句增畫筆之妙

馬解馱經度碧空便令王許伴支公  
山童野僕立如石  
忘却儂曾在會中

兼為支公  
說道經

### 感嘆二首

險阻空千里都城整六師  
憂心常忽忽春日獨遲遲  
未見忠良出休言昏一作禍  
亂為白頭難作客日日問歸期

龜筮總茫茫風塵慘大荒  
丹心能許國膂力愧勤王  
若使官兵衛猶能干戚揚  
叩閤陳膽策折翅亦難將

### 感事

玉仙鴻福最先春今日枝頭慘壓塵千里無非逃難客  
二年誰是看花人偶來水國充饑易况有儒冠請益頻  
天地雖窮吾道在圖書焚盡更重新

又

青春住莫過伴我恨無窮家在邊塵裏客來兵刃中小  
人真樂禍大吏競興戎暫適义魚市長慚斬將功

斬將

斬將斬誰將今多樊愛能庶幾威國俗聊可驚邊僧

唐南

邊騎為帥無紀律晚  
年人稱為邊和尚

縛虎何堪責騎猪尚不勝將軍如

自治盪寇有先登

感嘆

消息沉沉當下國風塵漠漠望中都平生鉛槧邊塵裏  
不免從今讀誤書

偶見新花呈季和

寂寥誰抱病風雨尚征師幾許野花發無窮客泪垂

胡季和送江梅山茶來

山茶有色笑江梅無色江梅謝不才莫言無色無才思  
幾許才從色上來天際素娥能綽約人間紅袖恨徘徊  
誰將玉色醮顏醉絳雪朱絲解不開

晚日臨水得此句呈季和先為公家池上明日  
之遊也

客子思歸悔遠遊曾波新綠戀汀洲庾郎得暇為春賦  
定是春來未肯愁

高郵人物絕句二首

高郵崔監富詩書筆力雄豪與世疎不是魏公公道在

定垂白髮老菰蒲

崔監  
伯易

高郵少年有王令豪氣雄才海內無當日談兵今可用

只愁遺像是癯儒

王令  
蓬原

次韵二十二弟謝胡以純餉米

十日饑腸吳越客空將苦泪濕寒烟喫虛兄弟嗟同病  
任死圖書愧滿船飲露求肥真漫與耕雲卒歲更堪憐  
胡家清德今猶爾顧我窮途一惘然



因鷄鳴不響厲而作

腸斷之鷄不解鳴  
要須煩汝報昇平  
故知二寇非劉石  
只是中原無祖生

別一上人

同遊不二境  
却有別離情  
為日添香火  
中原正用兵  
夜聞鐘惜其不響

宋都為客喜  
還驚無數霜  
天歸雁橫夜  
半鐘聲何太啞  
由來石竇五無聲

冬至前一日至穀熟遇趙子和大夫

盜賊羌戎逐隊行幾家避難到荒城也知明日當長至  
便望今年可太平京國笙歌無寂寞將軍旗鼓耐縱橫  
鈍菴居士全非鈍先我驅車百感生

冬至日塗中

海角沙場過冬至未如今日最傷情孝王池畔憂邊騎  
煬帝河邊嘆楚兵萬壽獻觴身不與百城和議淚空橫  
明年高會知何處擊磬焚香畢此生

後十一月十一日夜宿柳子鎮

早歲無知到柳橋黃流澎湃客雄豪自從道路無形勢  
今日睢陽益謾勞

有感

帝室中興運更賒如聞廟議尚堪嗟和親費盡三公力  
兵革傷殘百姓家解使亞夫營細柳却教賈誼傳長沙  
願子豈是奔亡者獨抱寒枝愧暝鷗

遠戎

遠戎深入震中原為問何人守薊門  
功業論天初已繆和親割地竟難存  
將軍不戰喜三北逐客何堪厭七奔  
尚有微誠思獻策千行血淚叩天閭

予三十年前為宿州教授今塗次見諸生一二  
人

滄海枯來失夜光泰山走去誤朝陽  
可憐憔悴蒼顏客曾是呻吟黃卷郎

感事

王師真不戰天險易摧殘  
盡室少徒步朝饑夜更寒  
邊塵無甸服漢月照長安  
凶悍仍無禮嗔予不守官

避地

避地半徒步身存亦幸哉  
有詩慙寡和無酒愧空杯  
重鎮求須與親王去未回  
吾生本多樂今日但餘哀

在途憶故居

自喜白髯翁深居看歲窮  
雪迷石嶺上月在草堂中  
樵客曉來市田家夜半春  
豈期邊騎到無地得相容

旅舍朝雞

獨抱微誠人不知  
山公啟事定何施  
鳴鷄本候海潮信  
不為金門上馬時

聞鐘五更起行

野寺鐘聲報曉寒  
征人方夢到長安  
茫然塗路知難易  
兩避邊塵一歲殘

痛恨

丞相開邊靡有它  
中原要復識干戈  
百年身事今如此

萬里風塵可奈何隴上健兒嗟不見洛陽女子恨偏多  
朝朝上食陵頭否腸斷東巡白馬河

書事

逋亡今五月百感若為情馬借從軍役舟疑破浪輕奏  
書無路達故里有難耕戴笠蓑衣雨猶憐李少卿

有李少卿

者遭亂兵劫盡行裝遇雨買笠徒步予一馬借人從軍

追感

潁水箕山已卜休忽逢新政悞恩收白頭不識為郎嘆

予未嘗為  
尚書郎

黃帽難供作客愁何事京師書信斷漫從澤

國稻梁謀和親莫恃河為界百騎東來破一州

冒雨而行

敗堤留沮洳苦雨劇泥塗婢子求芒屨童兒競地爐能  
甘逐客分但恥潰兵俱何必滔天水茲為縱壑魚

問雪

此雪問誰偏最喜旌旗得意逞天驕黃河穩渡魚龍靜  
白馬爭光劍甲豪我有玉鈔今震疊爾看瑤壁莫呼號



何妨特勅近臣燕腸斷金樽費獨謠

痛恨

兵戈直犯洛陽宮  
藹藹園林指點中  
碣石勒銘心不遂  
裕陵蕭瑟獨悲風

夜來枕上得四絕句因視王性之謝其相訪也  
末專為渠作

不待功成逐赤松  
腐儒畢竟若為功  
田園破碎邊塵裏  
腸斷當年夜雨春

皇祚中興徹九垓不煩猶道宋王臺歸鴻特比常年少  
應戀黃麾不忍來

三川皆震大災異汴水絕流上帝仁不使六龍遠巡幸  
興王舊地福重新

井臼無供緝羽貧未知何地老容身更無一卷文書在  
七錄家藏許卜隣

拭目

拭目中興宜碌碌褊心觸事獨遲遲劉琨祖逖無由見

鄴下關中何所之  
萬里耕桑仁德在  
九天雨露廟堂滋  
龍鍾只合歸田去  
猶解重吟采芑詩

自寬

無奈愁何強自寬  
細將心事樂江干  
新詩時向夢中得  
明月多從枕上看  
吾道若存生有益  
君恩可報死何難  
五陵祥瑞烟何在  
何日端門朝百官

贈儀真天寧衲老

若說真州水時人  
不道甘天寧老誰  
識板齒髮鬢鬢

贈筆處士屠希

屠希祖是屠牛坦今日却屠秋兔毫自識有心三副健  
可憐無副一心勞

贈筆處士曹忠

葦管子何愛輕圓稱白毫固知今獨妙舊數浙西曹

十三

四年前時抗秀有  
曹用筆見稱于世

和宗節使臨渡江至金陵送蠟梅來

江北江南疊鼓催清香清泪各徘徊知君清德用無盡

棹欲移時留蠟梅

和許嵩老江上舟災

火德威嚴嗟掠虛祝融江面怒心餘千尋赤尾千堯歷  
百仞紅鱗滅禹書丙穴烘天誰得及丁翁奔日更難如  
文昌右轄知幾早無妄之灾不我居

公近辭政府而出  
至真州于是日遊

長蘆寺聞焚  
累日乃歸

平生易象論孤虛富貴功名不願餘政府頻垂憂國淚  
梵宮獨看竺乾書衆驚赤壁復焚角自擅三禪早晏如

回首焚軀并溺骨何為不早傍禪居

三禪無  
火灾

再和

不肯喧喧奏子虛何心江上惜三餘陸渾火但無家計  
宣榭灾宜費國書每恨血鱗能雨若何堪脫角去焚如  
知公輔弼關心處不比他人樂退居

頃歲官嘗傍紫虛高雲緱月笑談餘惟知猿鶴乞骸疏  
不錄熊羆諫獵書遊寺但知能自與焚舟不復問何如  
巖廊德量誰能比大令山陰難並居

夜雨不少住枕上作

幾年飄泊敢何求  
甘作僞公對楚囚  
風轉榮光新輦道  
雨無時節舊揚州  
陸公奏議同誰恨  
屈子離騷亦獨愁  
歲暮長江癘病客  
飄飄荆渚覓同游

莫道

伏池

莫道飄零天一涯  
安時自勝孰興嗟  
已春庭宇不留雪  
逢閨園林無早花  
素履款遊禪老室  
白頭慣見富人家  
胡然齊趙賊蜂起  
自是司戎好盜誇

晝寢看壁上陳希夷像

昔人辛苦處難追慵懶多閑自有竒  
睡著不知春晝永  
壁間圖像傲希夷

新年

何事重新作此年身無疾病意欣然  
春風莫但開桃李  
吹落妖星靜九天

感事

長江無月令氛祲日胚胎北闕望不見  
東風呼不來后



皇本圖治上帝肯遺才為問縉紳士何容賦七哀

書事

先生不飲而常醉醉倒四海支狂流不煩高士傾佳釀  
要使魚龍同我愁

千里舳艫星斗落列炬燒江猶未覺太平斥堠固不嚴  
樽俎之謀在河朔

一江如鼎魚龍沸我欲逃生何所之今古興亡有同恨  
乾陵火照奉天時

絮被

絮被蒙頭曉日高厭聞處處殺官曹古人言盡致禦術

今日興言盜是招

易致寇至  
利禦寇

正月二十八日避難至海陵從先流寓兄弟之

招仍邂逅馮元禮故人

百困身猶在疋羸怯鏡看干戈朝食拙風雨夜眠難天際旄頭遠淮南春首寒病夫藥裏外兄弟為謀安

脫身兵火欲何之不料茲焉過所期軒檻如僧縈橘柚

鄉關似夢識

一作憶

蒿藜弟兄朋友談平昔

一作日

盜賊羌

戎問幾時共約更明王道正或能一語到天墀

二月二日

柳花多情不肯新可憐失盡漢家春二年不識挑生菜  
萬國誰知有殺身羣盜猶多南渡客征鴻難問北歸人  
始知前日一樽酒上帝升平與爾親

杜詩

古人愁在吾愁裏庾信江淹可共論孰似少陵能嘆息

一身牢落識乾坤

庾云人生至此天道寧論江金紫悶賦大率如此工部則云牢落乾坤大

周流道

術空

### 春光

春光能負我為客更添愁梅蕊一

一作去

何晚鶯聲便欲

休新庖驚異味舊侶夢同遊道術知何用江山空白頭

### 謝蘊文承議陽關圖

邂逅故人逃難去王孫氣象獨升平詩吟摩詰如無味

畫到陽關別有情

不眠

孤客危牀不得眠  
清燈古像共安禪  
鬼神未用來聽法  
我有觀心絕世緣

寒甚

二月春風著意來  
氈裘北客尚低回  
只應是日無何遜  
江上梅花未肯開

翻憂

歲暮窮途惱白頭  
况如一歲更荒州  
家禽聚處無居屋

野水分時便斷流何物不堪供涕淚誰人可與共咨謀  
一生本謝詩書樂今日詩書翻百憂

自樂

避地悠悠處處居何妨涕泪作歡娛碾茶勢軟春心靜  
搗藥香多病意除夢寐未嘗忘仗衛兒童猶不戀江湖  
心期歸計蒿箕近只恐風塵尚畏途

又

自愁還自樂於道得吾真花以瓶為圃人將匏作春詩

書惟務舊老大豈知新明日還如此太平先此身

感事

我有清時畧白頭病在牀必須誅國賊先要射天狼割  
據江山舊艱難日月長百花寒未發朱帝恨茫茫

人心端可見戎馬幾時休往哲真能恨來賢更用愁只  
因當日泪常共大江流漢縣寥寥甚今為輔帝州

夢斷

夢斷咨嗟故國寒江湖風物共凋殘麻姑嫁時浪未息

織女支機石豈安不許忠臣施一語徒令志士起三嘆  
不患盜賊不撲滅要使盜賊耕桑難

疾病

疾病非吾有吾身與世輕看琴得靜意說藥肯傷生不  
道江湖遠惟多鷗鷺情況聞登俊傑卽日是升平

感事

本是懸車却掃人猥貪雨露政惟新干戈難作墻東客  
疾病猶存硯北身敢覓圖書灰燼裏誰分盜賊甲兵屯



紛紛四海人知否猶屬炎年第一春

流寓無家浪漫行全家處處話升平溪山色外京闈色  
風雨聲中讀誦聲周粟本難供口腹漢庭未易議公卿  
海涯更比天涯遠泛泛天波一葉輕

攬古

攬古茫茫涕泪頻誰教末路尚沉淪青山會有為塵日  
紫陌曾無不死人王莽歷期餘數在董賢恩幸幾番新  
只應不武空憔悴自有長歌薇蕨春

題六一東坡像

座右銘何有丹青得若人東坡禪客衲六一醉人中先  
後文章伯安危社稷臣廟堂思潁日海嶠夢釣辰

闕

歎會神何當均雨露劍佩畫麒麟

眉山凝間氣渤海識茲人一代執鞭士千秋折角巾高  
趨周室輔平處漢廷臣白首齊明易鴻鈞異撫辰參差  
非所嘆契濶自如神不念乞靈者翩然駕白麟

歐陽云  
自古異

人間出前後參差不相待予  
老矣乃今見之豈不為幸哉

有恨

有恨將何遣  
軒車盡俊髦  
官非十女壻  
政鄙小兒曹  
歲暮客惊急  
途窮馬力勞  
故山真可戀  
築室更增高

無悶

無悶吾無欲  
浮沉誰使然  
命通公道日

唐崔塗詩云但逢公道日即是

命通時

自是艷陽年

鮑照詩云茲辰自為美當避艷陽年

鸞鳳能寥廓  
魴鱖

幸棄捐由來  
食肉士久亦  
忘腥羶

因事

風雨連宵疾病增幽憂到此果何勝弟兄分散兩三處  
圖史尋求萬一能魯酒齊歌元不惡吳酸楚酪乍須稱  
東皇太乙仁恩大終使白頭見中興

海陵社日

信美非真美徒勞本自勞異鄉今日社寂寞食無糕

謝蘊文齋菜餛飩

無奈國風怨齋茶論苦甘王孫舊肥羜湯餅亦多慚

撫古

撫古論今百感生興亡異世實同情鬼神能告廣陵散  
才智無如大厦傾天御日躔歸故國江潮淮浦謾新城  
論都不及百世事誰為君王致太平

書恨

挂帆到何處明月古揚州有計隨愁盡一生為客休干  
戈臨暮境風雨困春柔為問荀文若能慚諸葛不

夜聞烏啼

不眠無恨自悽悽真聽人間烏夜啼明月未教塵鏡掩

華堂歌舞乍高低

義烏此夜一何啼  
明日驩欣事不迷  
定是軍回薊南北  
寧論賊退關東西

置身

置身唯所安  
世累莫相干  
蓬鬢江湖適  
披衣天地寬  
尚須煩束帶  
忍復更危冠  
居安歎匪易  
泪垂行路難

夜風雨聲甚惡

上元燈火邊  
塵裏寒食田園  
野草生文武  
墜來唯不寐

精神耗後更多情片雲忽作幾日雨衆木添號半夜聲  
從此無煩問春色市無過客謾荒城

海陵寒食

忽逢羣盜到江津驚若奔魚跳此身炯炯幾為新節鬼  
風塵敢憶故鄉人幾家有物烝嘗在到處無時哭泣頻  
日日淒風兼苦雨要知寒食客愁真

式微

暮雲朝翼與心飛白首何堪客子衣潮去潮來無遠遁

江南江北有從違廟堂慎用太平策  
猷畝先知禍亂機  
一唱式微腸九斷微乎微乎我同歸

高二承宣與蘇二左司唱和春雨詩遠蒙見寄  
依韵和之

太乙池中檻洞庭湖上蓬問誰今得樂宇宙釣絲中  
公子與王孫何煩更問耕春心為花雨梅杏尚難平

海陵閑居

春色海邊雖到晚幽居亦且得徘徊  
風輕花影閑閑去



人靜棋聲揭揭來莫話艱難催白髮從教顛倒長青苔  
明朝此興如能在夢到梁王舊吹臺

秦州人自徐神翁後多以奉道為事即今有周  
高唐三先生皆足以動眾得名因作長句

沉沉方丈與蓬萊桃李聞從海上開愁外烟波徒縹緲  
夢中鄉俗獨徘徊不同下俚暫時醉自約高真定命盃  
可笑神仙今古異言今先分古先材

三月二日大風

數日寒暄不得常一朝風伯擅乾綱浪飄石去魚龍鬪  
屋落瓦來雞犬藏誰敢揚舲窺北渚便當弭節奉東皇  
穆如聲振中興業萬國絃歌走未央

大風絕句二首

何事東風日日狂後庭花要鬪新妝中興物業在清淨  
王謝清談未易忘

揚州桃葉能留客任是東風江上狂南北人情亦相似  
六軍不肯過咸陽

遠歎

白髮飄零遠可嗟  
百年居屋在京華  
海涯更比天涯遠  
星斗沉沉入海涯

奈我

奈我所安何  
無煩問所過  
潮聲雲外散  
花色醉中多  
京國昨宵夢  
邊城幾日歌  
功名悞男子  
必使愧雲蘿

題公震小景

萬古興亡歸白鷺  
一時舒慘在青山  
與君都下太平日

豈料思君鞞鼓間

四顧

四顧荒荒孰我容  
百為深省亦何從  
江山風雨愁皆滿  
天地波濤恨未窮  
寧使衰容添白髮  
難將世態入青嵩  
飄然已作東遊計  
康樂翻經待厥終

懷舊

伊昔升平事  
中州見最先  
落花凝曉月  
鞞樹靄寒烟  
相業歸貂寵  
邊塵溺漢天  
幾多垂白叟  
涕泪日潜然

贈京師少年在海陵者

夷門子弟逞豪華不忿西京穀雨花走馬城東玉仙醉  
著身海角敢咨嗟

海陵書事

今古悠悠嘉上同徒令客子恨無窮竹椽泥壓清虛節  
葦爨香殊忠厚風騰倚百年麋鹿外波瀾一日鳳凰中  
此本漢縣多麋鹿有鳳凰池亦稱漢遺跡可憐仙馭頻來往從此相傳第幾

翁

此自徐二翁後好談仙  
即有三四先生甚異

愁

揚州枉矢何時弭  
涿野蚩尤尚未除  
底處愁城能著我  
風為愁騎雨愁車

高二承宣以長句餉新茶輒次韵為謝

春風伴我到僧家  
嘆息無名供佛花  
劉子枕糟非枕酒

陸生論水不論茶  
少多何必求玄鵠  
腰十萬至揚州騎鶴一二唯

當較白沙

自昔有揚一汴二之語  
今恐可與儀真辨也

更恨老年難得睡  
因

君茗粥恨無涯

信美江山非我家興亡忍問後庭花明時不見來求女

揚州多美女  
自唐時取

儉德惟聞罷貢茶

唐貢茶自  
昭陵罷之

鷓首千重能

破浪馬蹄萬里正便沙煩君識取人才盡白首飄零謾  
海涯

為客

為客淮南望上京祥烟不遠恨崢嶸居人避濕開門晚  
宿鳥眠寒擇木驚波浪無時潮失信關河有盜夢非情  
不知歸計何從得碧潁青蒿畫未成

感舊

田園幾畝豆苗新  
卒歲閑居百慮真  
不日頻逢中酒客  
何時曾禁折花人  
誰誇玉帛奔侯服  
自喜樵蘇一作蒿藜入  
帝闈回首龍蛇紛  
起陸却垂涕  
問烟塵

謝徐師川寄江茶四小瓶

舉世卑陬鬪小車  
若人何處逞豪華  
夢魂恨著後庭樹  
詩句清餘雙井茶  
默默嘲雄舒錦綉  
申申罵屈雜龍蛇  
不須更藉韋絃力  
望出河東性不奢



依韵和高二承宣歛墨長句

妙句之來墨妙同  
信知吾道未全窮  
豈容短棹千年恨  
不貯長江五月風  
春戀孔鸞嗟漢外  
磨研膠漆笑歌中  
為予留取滄浪道  
莫使兒童學釣翁

池頭

長夏悠悠百計非  
可憐北客製南衣  
池頭風晚萍根合  
何處楊花不得歸

視蘊文

飄零海角悟平生豈料王孫肯遠行  
假日待君游化國  
淒風要我到愁城  
詩書灰燼寧無夢  
翰墨馨香尚有情  
聞道東京已迎蹕  
箕雲緱月得秋耕

觀逋翁執花曲作

萬國歸隨盡細侯  
阿廢只解愛揚州  
錦帆明日知何處  
不得龍門洛水游

次韵師川郎中寄墨長句

人人垂首相公前  
獨子低眉古簡編  
江上新吟何慷慨

世間舊恨細窮研故知小子能封國亦信長人解說天  
寄墨虞卿著書喜不教茶到恐妨眠

夜坐

氛濁暑伏嘆夜久神宇清魚躍遠池響螢飛深竹明揚  
州妙歌舞駐蹕盛公卿植杖看牛斗今年當太平

日暮池上

客子難為夏池塘眼暫開蓮房隨月倚萍陣信風來自  
喜親茶杓無煩問酒杯故人行在樂獻納有雲臺

秋嘆

為起秋風有所懷  
江頭秋色信多哉  
孔明何歲荊州去  
樂毅即時燕國來  
今古悠悠共涕泪  
江山寂寂盡塵埃  
麒麟閣上功名士  
聞道其中有不才

閑居

閑居豈無事  
一動百艱難  
水為齋僧惜  
花因供佛殘  
喜聞多死士  
厭話小長安  
香火同緣客  
饑腸先咏歎

何意

何意此間居逋亡且謾如日高雞在樹風靜雁拋蘆雨  
露傳新令兒童說故都秋光金甲上小醜犯王誅

立秋前六言

今日自須欣喜明朝池上秋風聽雨如聽古樂得書似  
得良朋

感時

衣冠迷魯衛食飲嘆荆揚夜雨過鄉近秋風客夢長莫  
言遊帝所要且狩河陽丞相如求士當求張子房

黃埃迷馬市白帝問魚梁松竹秋聲早江湖客夢長易

衣欺賊眼辟穀信仙方尚有叩闍志其如病在牀

古之馬市

今馬行街也

### 三歲

羈離已三歲幾處幸容身有夢延秋雨無言問寇塵傷  
今多難日憶我太平人雨露隨行在公卿幾番新

予筆多葦管近又得竹筆匣因作絕句

竹匣葦管可幽居前日曾藏萬卷書烽火不知南北渡

祝知微物莫愁予

欲為金陵之行而未果

舊有山川舊夕陽  
新秋新淚兩茫茫  
金陵王氣知何在

玉樹後庭聞已芳  
情到義山能發問

義山詩云 鍾山何處有龍盤

事

經小杜亦多傷

小杜有商女後庭花之句

未須便作揚舲計  
即見元

戎淨八荒

秋感

又作此秋飄泊客  
茫茫誰是北歸人  
庭前雨過鵝羣浴

池上風來螢火新  
戰馬不肥淮甸草  
屬車思展洛陽塵  
如聞戎馬渡河去  
緱月箕雲待老身

海陵聞角

秋風入角蹙山城  
更覺淮南秋夜清  
慣聽邊威雷鼓裏  
梅花爭發斗崢嶸

簡沙頭李山伯

坎離交養日需沙  
君向沙頭好泊家  
鷗鷺若來尋舊隱  
為言直上有烟霞



行藏

行藏本自迷秋興更淒淒風急蛩饒響雨來鷄誤啼魚  
溪青靄散蓮蕩白雲齊却惜安閑地逋亡志願違

海陵  
有蓮

蕩

聞富季申遷校書郎

小富秋來慰所望青衫叙進校書郎相公勲業久彌著  
孫子門闌漸有光莫話詩過已埋沒且非椀脫得分張  
白蓮逋客獨惆悵淚盡西風歸政堂

卷裏詩過一千首  
白頭來作校書郎

為王  
建云

次運和中遠以予真州江上遭巨寇脫身感事

作

一世高梧丹葉翻  
男昏女嫁失前村  
但聞狼虎厭人月  
不見酒漿招鬼魂  
久分彼天難叩問  
未甘此道謾追原  
江心火襍魚龍血  
我脫身來君莫論

寄題鎮江寶墨堂

常潤特令賜吳楚  
從此錢氏政相宜  
江山閱世無今古

金石何年有合離  
小諫縱歌文史外  
侍郎決策甲兵期  
只尋舊墨題新榜  
念爾邦人肯擾之

新愁

宿恨故難遣  
新愁豈易安  
困空鼠號擲  
庭靜鳥喑寒  
月

盛中秋色人虧上  
國歡灣頭十二衛  
泣涕乞回鑾

今曰  
殿班

禁旅相繼至京乞回鑾至  
灣頭鱗次而泊以聽命

眠睡

病夫不睡情須怨  
老子難眠思却清  
况復斗橫催角引

梅花爛熳散秋聲

自適

避難三年百感生  
衆難溷濁自澄清  
閑窺鳥雀往來勢  
靜聽兒童讀誦聲  
但道孤生元廢棄  
莫言頻數論平生  
大河今歲如為用  
即有千官赴上京

故資政殿學士特贈光祿大夫曾公挽辭

選吏時無最  
論兵世有書  
風神相門舊  
膽氣將壇初  
地軸塵埃轉  
天航津漢虛  
忠規子孫在  
太史筆何如

又

馬援枕前嘆張飛帳下怨古人有餘淚今日不堪言營壘憑誰築璵璠忽自焚共嗟當宁恨寧復問乾坤

久客

客子能久慣將何號有生墨池能入用

筆名

紙被喜無聲

新月生緱嶺淒風過渭城忽如無所嘆却似太忘情

幽齋

幽齋無客自焚香古像誰知靜放光秋色深來人寂寞

鴈聲斷處月荒涼病軀如似小捐可賊勢流傳大獠張  
可咲韓公憂有分人言憂責屬巖廊

愁闌

淮南初客愁嘗起久客淮南愁亦闌秋夜無聞喜風雨  
柴門自掩醉江山詩書不讀談常到香火如勞意更閑  
北望歸期殊未可却思南渡滄浪間

鄭州古有夕陽樓自唐末兵火後遂廢况今圃

田殘破客中望揚州作絕句

日月爭流淚亦流幾年不見夕陽樓  
太平時節古來少却上迷樓一望休

將出江絕句

修門縹緲夢悠悠歲暮長江斗柄浮  
奮翼鳴鷄急自和白頭鼓柁為誰愁

司戶朱君邂逅真州獨為予幹舳艫之具甚勤  
偶得絕句謝之

白眼波濤爭反覆波心孤棹更誰看  
夫君念此客蓬鬢

不共青松共歲寒

再遇筆屠處士

江頭再遇筆屠生  
共聽去年江水聲  
三副多少予自窘  
一毫去取子能輕

藥裏

藥裏白頭翁  
孜孜離亂中  
道從前日証  
愁與昔年空  
食足思同飽  
時危恥自容  
願將經濟策  
上疏大明宮

月下渡金陵江



玉樹開花媚綺窻  
龍蟠如植冕  
旒降只今江月交  
光夜情似月明愁似江

飄流

飄流北客江之左  
自問行藏語亦難  
江上即今無盜賊  
浪中何日不風寒  
曹潘鞞鼓於茲降  
王謝風流何處看  
歸客不知朱雀好  
但誇明月洛南灣

歲暮六言

臘尾豈堪北去年頭  
又怯東奔萍梗往來  
覆載燕雀俯

仰乾坤

金陵二首

金陵形勢眼中見一弔興亡夢寐間  
侯景長驅走龍虎王敦內叛壓江  
山中原有主申明命下國何人敢肆  
姦白首自傷歸未得此身何處得清  
閑

上帝於人靡有常江流何處任興亡  
干戈揖遜一錫杖社稷山川半面妝  
故自無人比叔子尚憐有意保襄陽  
白頭難待太平策萬國明朝建治康

江南

一家天下莫分三天極明星萬象含此水北江歸海處  
誰將此地號江南

歲暮聞武泰節使將歸金陵

歲暮江頭鳧雁身悠悠心事竟誰親久能收拾內朝僕  
始作生疎外道人欲問江神借風色恐於河伯廢精神  
王孫旌節歸來好莫使王孫恨更新

武泰節使歸金陵

戟影搖寒波影稀王孫心事與人違燈邊赤軸得居士  
窻下清談見布衣執玉詔從天上去揮金船向歲前歸  
廷羸不解少行樂臥待公來起採薇

歲暮

客舍光陰白髮催高援北斗夢徘徊多愁須用枕雙疊  
無悶何須酒一杯風去六朝迷遠樹雲來一日認新梅  
即今盜賊須擒馘牧首不逃言壯哉


景迂生集卷九

謹案第十七頁前二行屠希祖是屠牛坦原本坦  
訛坦據莊子改

第十九頁前一行畫寢看壁上陳希夷像原本脫  
像字據本詩增

第三十頁前二行涿野蚩尤尚未除原本除訛浮  
今改





總校官庶吉士臣侍 朝

校對官中書臣王鍾泰

騰錄監生臣熊 灑